

EZALA

Yá pò kú láe bee guu

Peesio kí Kilusi Yudaɔ gbà zé aa gé Dii kpé keke doì Yelusaleũ (1). Gbè pò wà tàrno yāa Babilonio èa lé tá ní be (2). Yá sèia pò aa kè an ea sua guu mé Lua gbagbakii keke boa ũ, ké wàli e wàò sa'owà lán yāawa (3). Ama Lua kpé keke dɔa yá musu buipāleɔ íbelesèrno, ɔ aa lékpāsákè Peesi gbāadeɔne, ké wà e dɔ tó aa ní gbá zé wà kpépi dɔ síanae (4-6).

Bee gbɛa Peesio kí Aatasasa sa'ona Ezala zì we, ɔ à lousisiyā vù Yelusaleũ, a tò Yudaɔ nòselìle aa Lua yá kù ɔplapla. (7-10).

Ezala lá gbāakpà luanaaikɛa yāwae ní kua gbāsisaio. Sa'ona Ezala wóò vī, ɔ á kɔaikè a tò gbéɔ nòselìle wà gò luayāmanaɔ ũ. Ezala gɔɔ ɔ Yudaɔ kèke wà lousisiyā kù ɔplapla. Wèɔ gèè dasi, a gbɛa ɔ wà Yesu Kilisi ì.

Kilusi Isailio gbɛa

¹ Peesio kí Kilusi kpalablea wè sèia guu Dii tɛkpàaàgu, ké yá pò a dà Zelemiie a ò e ke yái.* ɔ Kilusi kpàwakè a bùsuu pii, ɔ à gbàsa kè láu à mè:

² Yá pò ma Kilusi, Peesio kía má òn ke: Dii Lua Musude tò dúnia kpala pii gò ma pò ũ, ɔ a òlɛmɛe mà kpɛdɔe Yelusaleũ, Yuda bùsuu.†

* **1:1** Zel 25.11, 29.10 † **1:2** Isa 44.28

³ Gbé pò de aà gbé ũ á guu, Lua kuaàno, i ta Yelusaleũ, Yuda bùsuu, i kpèdo Dii Isailio Lua pò de Dii ũ Yelusaleũe we.

⁴ An gbé pò gòpio saedeo doñle ní ánusuo ní vuao ní àizeeo ní pòtuoo ní Lua kpé pò aale gé doì Yelusaleũ gbaò.

⁵ O Yudaò ní Běyámee buio uabeleo ní sa'onao ní Levii buio ní gbé pò Lua tekparnguò fèle lé gé Dii kpé doì Yelusaleũ.

⁶ An saedeo odámá, aa ní gbá ánusuo pò ní vuao pò ní àizeeo ní pòtuoo ní pò doeo ní Dii kpé gbaò pii.

⁷ O Peesio kí Kilusi bò ní Dii kpé pò pò Nebukaneza sèle yãa Yelusaleũ a kàle a táa kpéuo.

⁸ A ò a ɔ'ulena Miledae aà pòpio nao aà kpa Yudaò kí Sesebazaawa, ɔ a kè màa.

⁹ Pòpio dasin ke: Vua ta baakwi, ánusuo ta òaa soo, tapelenti baakwi mëndosai,

¹⁰ vua imibo baakwi, ánusuo imibo òaa pla ní kwio, ta buipale òaa soo.

¹¹ Vua ní ánusuo tao fèle pii òaasooo lee soo ní òaa plao (5.400). Ké zìzòpio bòle Babeli aa sù Yelusaleũ, ɔ Sesebazaa mò ní pòpio pii.

2

Zìzò pò sùò

¹ Babeli kí Nebukaneza Isailio kùkù zìzò ũ yãa, à tànnò Babeli, ɔ an gbèeò bò zìzòkepiu aa sù Yelusaleũ, Yuda bùsuu sa, ɔ baade tà a be wéleu.

² An doanaan ke: Zolobabeli, Yesua, Neeemii, Selaia, Leelaia, Maadose, Bilisã, Misipaa, Bigivai, Leuũ ní Baanao. Isaili gɔe pò sùò dasilen ke:

³ Palɔsi buiɔ gbɛɔn òaasɔɔɔ lɛɛ pla ní baswaaɔkwi ní plao (2.172).

⁴ Sefatia buiɔ gbɛɔn òaa do ní baswaaɔkwi ní plao (372).

⁵ Ala buiɔ gbɛɔn òaa àaɔ ní baswaaɔkwi ní sɔoo (775).

⁶ Paata Mɔabu bui pɔ de Yesua ní Yoabuo buiɔ ũɔ gbɛɔn òaasɔɔɔ lɛɛ pla ní òaa síiɔ ní kuɛplao (2.812).

⁷ Elaũ buiɔ gbɛɔn òaa soolo ní blakwi ní síiɔ (1.254).

⁸ Zatu buiɔ gbɛɔn òaa síiɔ ní basoplasɔoo (945).

⁹ Zakai buiɔ gbɛɔn òaa àaɔ ní baswaaɔo (760).

¹⁰ Bani buiɔ gbɛɔn òaa àaɔ ní bla ní plao (642).

¹¹ Bebai buiɔ gbɛɔn òaa àaɔ ní bao ní àaɔo (623).

¹² Azegada buiɔ gbɛɔn òaa soolo ní bao ní plao (1.222).

¹³ Adonikaũ buiɔ gbɛɔn òaa àaɔ ní bàaɔsɔo ní mɛndoo (666).

¹⁴ Bigivai buiɔ gbɛɔn òaasɔɔɔ lɛɛ pla ní bàaɔ síiɔsai (2.056).

¹⁵ Adini buiɔ gbɛɔn òaa pla ní blakwi ní síiɔ (454).

¹⁶ Atee buiɔ gbɛɔn basɔo plasai (98).

¹⁷ Bezai buiɔ gbɛɔn òaa do ní basoolo ní àaɔo (323).

¹⁸ Yola buiɔ gbɛɔn basɔokwi ní plao (112).

¹⁹ Asuũ buiɔ gbɛɔn òaa do ní bao ní àaɔo (223).

²⁰ Gibaa buiɔ gbɛɔn basɔo sɔosai (95).

²¹ Beteleũdeɔ gbɛɔn basoolo ní àaɔo (123).

²² Nɛtofadeɔ gbɛɔn bàaɔ síiɔsai (56).

²³ Anatodeɔ gbɛɔn basoolosɔo ní àaɔo (128).

²⁴ Azemavɛdeɔ gbɛɔn bla ní plao (42).

²⁵ Kiliayaaliũdeɔ ní Kefiladeɔ ní Beelodeɔ gbɛɔn òaa àaɔ ní basopla ní àaɔo (743).

26 Lamadeo ní Gebadeo gběon òaa àaš ní bao ní m̀ndoo (621).

27 Mimasadeo gběon basoolo ní plao (122).

28 Betelideo ní Aideo gběon òaa do ní bao ní àašo (223).

29 Nebodeo gběon blakwi ní plao (52).

30 Magbisodeo gběon baswaaš síiṣsai (156).

31 Elaũ pále buiò gběon òaa soolo ní blakwi ní síiṣo (1.254).

32 Aliũ buiò gběon òaa do ní basooloo (320).

33 Lodideo ní Adidadeo ní Onodeo gběon òaa àaš ní basoolosoo (725).

34 Yelikodeo gběon òaa do ní basoplasoo (345).

35 Senadeo gběon òaasoo lée àaš ní òaa àaš ní baakwio (3.630).

36 Sa'ona bui pò s̀on ke: Yesua bui Yedaia buiò gběon òaa síiṣ ní baswaaṣkwi ní àašo (973).

37 Imee buiò gběon òaa soo ní blakwi ní plao (1.052).

38 Pasuu buiò gběon òaa soolo ní blasoo ní plao (1.247).

39 Aliũ buiò gběon òaa soo ní gẽo ní plao (1.017).

40 Levii bui pò s̀on ke: Odavia bui Yesua ní Kamielio buiò gběon bàaṣkwi ní síiṣo (74).

41 Asafa bui l̀sinao gběon basoolosoo ní àašo (128).

42 Biiṃledṣana pò de Saluũ ní Ateeo ní Talemoo ní Akubuo ní Atitao ní Sobaio bui ùò gběon basopla m̀ndosai (139).

43 Gb́́e beeò buiò mé Lua ua zikenaò ù: Ziha, Asufa, Tabao,

44 Kelosi, Siasa, Padoni,

45 Lebana, Agaba, Akubu,

46 Agabu, Salemai, Anana,

- 47 Gideli, Gaaa, Leaia,
 48 Lezini, Nékoda, Gaaũ,
 49 Uza, Pasea, Besai,
 50 Asena, Mɛuniũ, Nɛfusiũ,
 51 Babuku, Akufa, Aluu,
 52 Bazelu, Mɛida, Aasa,
 53 Baakosi, Sisela, Tema,
 54 Nɛzia ní Atifao.
 55 Gbɛɛ beeo mé Salomoo zòblenao buio ũ: Sotai,
 Sofele, Peludao,
 56 Yala, Daakõ, Gideli,
 57 Sefatia, Atili, Pokɛɛ Azebaiũ ní Amio.
 58 Lua ua zikenapio ní Salomoo zòblenapio kà
 gbɛon ãa pla swaaõsai (392).
 59 Gbɛeo bò Temela ní Telaasao ní Kelubuo ní Adõo
 ní Imɛeo, õ aai e ní buibokii ònéo, tó Isailion ní ũ.
 60 Delaia ní Tobiao ní Nékodao buionɛ, mé aa kà
 gbɛon ãa ãaõ ní blakwi ní plao (652).
 61 Sa'ona bui pò de Obaia ní Akozio ní Baazilaio buio
 ũ sù lo. Baazilaipi Galada bùsu gbé Baazilai né sè
 yãa, õ à a ànsuepi tó sè.
 62 Gbépio ní tó wèɛɛ buibokii taalau, kási aai
 bowào, õ wà gĩné ní sa'ozio.
 63 Bùsu dɔaana òné, mé i ke sa'ona ní yá gwà ní
 Uliũo ní Tumiũo* bàasio, aasu sa'oble bleo.
 64 Gbépio píi gbɛon ãaasooo lɛɛ bla ní plao ní ãa
 doo ní baswaaõoɛ (42.360).
 65 An zòblenao gõɛ ní noeo ku lo gbɛon ãaasooo lɛɛ
 soplá ní ãa doo ní basopla ãaõsaio (7.337). Lèsinao
 gõɛ ní noeo kúrino lo gbɛon ãa do.
 66 Aa s'ó v'í mèn ãa ãaõ ní basopla síiõsaio (736),
 s'õbaona ãa do ní blasoo,

* **2:63** Bɔa 28.30, Iko 33.8

⁶⁷ yiongo àaa pla ní bla sɔosaio (435), zàa'ina àaasɔsɔo lɛe soolo ní àaa àaɔo ní basooloo (6.720).

⁶⁸ Ké aa kà Dii kpé dɔkii Yelusaleũ, an uabeleeo gbadàda, ké aa e Lua kpé keke dɔò a gbɛu.

⁶⁹ Aa gbadà kpé zɪ kpagolo guu ní gbãa léu, vua kiloo àaa pla ní basoo (500), ánsu tɔnu àaɔ ní sa'ona ulataoɔ basoo.

⁷⁰ Sa'onao ní Levii buio ní lèsinao ní bíibɔledɔanao ní Lua ua zikenaɔ ní gbɛpáleeo zɔlɛzɔlɛ wéle pɔ wa kèkenéɔ guu, ð Isaili kɪniɔ zɔle ní wéleɔ guu.†

3

Dii gbagbakti boa

¹ Ké wè mɔ soplade kà, Isailio sù zɔle ní wéleɔ guu pii. ɔ aa kàaa Yelusaleũ lán gbé mɛndowa.

² Yozada né Yesua ní a sa'on deeɔ ní Salatieli né Zolobabelio ní a gbé Isailio Lua gbagbakti bɔ, ké aa sa pɔ wɪ a pɔ káteu à tékũ owà, lá Lua gbé Moizi ò a ikoyã guuwa.

³ Baa ké aale viake gbé pɔ kú bùsupi guuɔne, aa gbagbaktipi bɔ a gbɛue, ð aa sa pɔ wɪ a pɔ káteu à tékũ ò Diiwa kɔɔ ní oosio.*

⁴ Aa Lákpɛdɔa dikpekè lá a ku lápi guuwa, aaɔ sa pɔ wɪ a pɔ káteu à tékũ o lá gu lé dɔ, lá wà a lé dɪlɛwa.†

⁵ Bee gbɛa aa sa pɔ wɔo o gɔɔpii ò ní mɔ dafu pɔo ní dikpe pɔ Dii dɪleɔ pɔo ní gba pɔ wɪ mɔoɔ.‡

⁶ Mɔ soplade gɔɔ séia zɪ ð aa nà Dii gbagbaawa màa, baa ké wi aà kpé dɔ yãao.

† **2:70** 1Lad 9.2-3, Nɛɛ 11.1-3
29.12-38 ‡ **3:5** Nao 28.11-29.11

* **3:3** Nao 28.1-8

† **3:4** Nao

⁷ Aa ña kpà gbè'ánao ní li'ánaowa, ñ aa pòblea ní imiao ní nísio kpà Sidōdeo ní Tiideowa, ké aa sede lí zōzō Libā būsuu, aa yeye geò Zope daa ísiao, lá Peesio kía Kilusi ní gbá zéwa.

⁸ An kaa Lua kpé dōkii Yelusaleū wè plaade mō plaade guu, Salatieli né Zolobabeli ní Yozada né Yesuao nà zīwa ní ní gbé'kīniō, sa'onao ní Levii buiō ní gbé'pó bō zīzōkeu aa sù Yelusaleū pīi. Aa Levii bui pō kà wè bao ge aa deao dile Dii kpé zīpi gbēzōō ũ.

⁹ Yesua ní a buiō nākōwa ní Kamielio ní aà né Odavia buiō, ñ aa gō zīpi gbēzōō ũ ní Enadao ní aà buiō. Levii buiōne nípii.

¹⁰ Ké Dii kpebonao lé kpépi ē kpàle, sa'onao zezē we sa'on pōkasaō dadaa, aa ní kuuō kúkūa, mé Levii né Asafa buiō ku we lo ní sēsēnao aa Dii táasilè, lá Isailio kí Davidi ò yāawa. §

¹¹ Aa lesi aa Dii táasilè, aa aà sáaukpà aa mē: Dii maa, aà gbēkekea wá Isailiōne láaa vīo. Ō gbépii wii gbāa lè aa Dii táasilè, ké wà Dii kpé ē kpàle yái.

¹² Kási sa'on daside ní Levii buiō ní uabele pō zikù aa wesī kpé káauleō, ké aa kpépi ēboa è, aa búbuapèe. Gbé dasideo sō aale pōna wii le.

¹³ Gbēe pōna wii dōkōe ní búbua pō wàle péo lo, ké baade lé wii gbāa le yái, mé wà kōfiipi mà zà.

4

Ibēlesa ní Dii kpebonao

¹ Ké Yudaō ní Bēyāmēe buiō ibeēō mà zīzō pō sùo lé kpé bo Dii Isailio Luae,

² aa mò Zolobabeli ní uabeleᵋ lè, aa òné: A to wà kpé boáᵋ, asa wi á Lua kí wεεε lááwa s̄ε. Wiᵋ aà gbagbaε za gᵋᵋ pᵋ Asilio kí Esaadᵋ s̄uwanᵋ la.*

³ Ǿ Zolobabeli ní Yesuao ní Isaili uabele kíniᵋ òné: Wá Lua kpé boa de á yá ũo. Wá wá pᵋ bo Dii Isailio Luaε wátēε, lá Pεεsio kí Kilusi d̄ilew̄εwaε.

⁴ Ǿ b̄usupideᵋ lé wεεε Yudaᵋ kādε, aale íadamá, ké aasu kpépi boo yái.

⁵ Aa fiabò kía íadamadeᵋne za Kilusi gᵋᵋ e à gè pè Pεεsio kí Dalusi kpalablegᵋᵋwa, ᵋ aa gíné ní yá pᵋ aale yáo.

⁶ Aa lakē Aasueluε† aà kpalablea daalegᵋᵋ, aa gbé pᵋ kú Yelusaleũᵋ ní Yuda b̄usuo pii káalakèè.

⁷ Biselaũ ní Miledao ní Tabeelio ní ní gbé kíniᵋ lakē Pεεsio kí Aatasasae lo aà kpalablegᵋᵋ. Aa kèè ní Sili yáo, ᵋ wà a b̄oolekèè.

⁸ B̄usu gbēz̄ᵋᵋ Leuũ ní a lakēna Simesaio lakē kí Aatasasae Yelusaleũ yá musu lo aa mè:

⁹ B̄usu gbēz̄ᵋᵋ Leuũ ní a lakēna Simesaio ní ní gbé kíni Dinadeᵋ ní Afaasatadeᵋ ní Taapelideᵋ ní Afaasideᵋ ní Elékideᵋ ní Babelideᵋ ní Susade pᵋ b̄le Elaũ b̄usuuᵋ

¹⁰ ní gbé pᵋ kía z̄ᵋᵋ bεεεde Asenapa ní bóle ní b̄usuu aa ní z̄́lez̄́le Samali wéleu ní Uflata baala gupáleuᵋ,

¹¹ wá Uflata baaladeᵋ n z̄̀blenᵋᵋ mé lápi kène kí Aatasasa, wa mè:

¹² Kí, ñyᵋ d̄ᵋ ké Yuda pᵋ b̄ᵋ n kíi aa sù laᵋ gè lé Yelusaleũ wéle v̄ai pás̄ipi káε, aa èa lé a bíibo lo, aale a bezia feε.

* 4:2 2Kia 17.24-41 † 4:6 Esi 1.1

13 Kí, ñyṣ dṣ lṣ, tó aa èa wélepi kàle aa a bíibò wa làa, aa falubòne lṣo ge ele'ṣa ge wè'ṣa, aai n ṣa pṣ ni si késā.

14 Tia kéwa kí, lá míme ní wá ũ, i kũ wà n kpe eo. A yáí wa lále bee kpàsáine ké wà yápi one.

15 Wεεε n deziṣ lác guu ñ gwa, ní e dṣ lá wélepideṣ swá gbāa, aa ñadà kíawá ní bùsu gbāadeṣ. Za zi wélepideṣ yákele kè zài. Bee yá mé tò wà wélepi dúuzṣì.

16 Kí, wále one, tó wà èa wélepi fèle, wà èa a bíibò wa làa, ñyṣṣ pṣe vṣ Uflata baala lṣo.

17 Bee gbεa kía lá kpàsáné à mè: Bùsu gbεzṣṣ Leuŭ ní a lakēna Simεsaio ní á gbé kíni pṣ kú Samali ní Uflata baaleṣ, ma fṣkpàwá.

18 Lá pṣ á kpàsámεε, wà a kyokè wà a bṣolekémεε.

19 Má ò wà wεεε lá ziṣ guu, ṣ wa è síanaε, wélepideṣ ìṣ bṣ kíawá kpeε. Za zi yákeledeṣne.

20 Kía zṣṣṣ kpalablè Yelusaleŭ we, aa gbāablè Uflata baaledeṣwa píi, wà falubòné ní ele'ṣao ní wè'ṣao.

21 A yádile gbépiṣne aa kámabo sa. Aasu εa wélepi vuo e mà ní gba lé.

22 A laaika! Asu niazíkpa yápiṣio, ké vāipi su ṣta, aa wá ásookeṣo yáí.

23 Ké wà kí Aatasasa lápi kyokè, wà a bṣolekè Leuŭe ní a lakēna Simεsaio ní ní gbé kíniṣ, ṣ aa fèle gè Yudaṣ lè Yelusaleŭ gṣṣ. Aa gíné pāsípāsí aa mè aa kámabo.

24 Beewa aa kámabò ní Lua kpé zṣ pṣ aale ke Yelusaleŭo e Pεεsiṣ kí Daliusi kpalablea wè plaade

guu.

5

Tatenai lākēa kí Daliusie

¹ Anabi Age* ní ānabi Zakali,† Ido néo ānabikεkè Yuda pó kú Yelusaleũó ní Yuda bùsuo píi ní Isailiò Lua tóo.

² Ǿ Salatieli né Zolobabeli ní Yozada né Yesuao fèle nà Lua kpé boawa Yelusaleũ.‡ Lua ānabipio kúrino, aale dónle.§

³ Wegō Uflata baala dōaana Tatenai ní Setaa Bozenaio ní ní gbéò mò ní lé, aa ní lá aa mè: Déme á gbá zé à kpée bee kεkε boi?

⁴ Aa gbé pó lé kpépi boó tó gbèa lo.

⁵ N beeo Lua lé wéte Yuda gbēzōōpizi, Ǿ aai oné aa kāmaboo. Aa mè wà lékpāsāke Daliusie gīa, aai lá pó a kē a yá musu e.

⁶ Uflata baala dōaana Tatenai ní Setaa Bozenaio ní ní gbé Pεesi buio lakē, Ǿ aa kpāsā kí Daliusie.

⁷ Lékpāsā pó aa kèèn ke, aa mè:

Kí Daliusi, wa fōkpāma maamaa.

⁸ Kí, ñyō dō ké wa ge Yuda bùsuo e Lua zōode kpéu. Wàle kpépi bo ní gbè gbèneo, wàle lí da kpépi gíowa. Wàle zipi ke ní laaio, àle taa'o.

⁹ Wa yālala ní gbēzōōwa wa mè: Déme á gbá zé à kpée bee kεkε boi?

¹⁰ Wa ní tó gbèa ké wà e onε, Ǿ wa ní dōanapio tó dālau.

¹¹ Lá aa yázāsiwán ke: Aa mè musu ní zīleo Lua zòblenaon ní ũ. Kpé pó wa bò yāa à wē kè, Ǿ wa kèke lé bo lo. Isailiò kí zōo mé bò yāa.

* 5:1 Age 1.1 † 5:1 Zkl 1.1 ‡ 5:2 Age 1.12 § 5:2 Zkl 4.6-9

12 Aa mè ní deziò Lua Musude pò fèle, ò à ní ná Babiloni bui Nebukanéza, Babeli kíaε a ɔzĩ, ò à kpépi wĩwi à gbépiò sèle tàrĩnɔ Babeli.*

13 Bee gbεa Babeli kí Kilusi kpalablea wè sèia guu à yādĩle à mè wà εa Lua kpépi bo lo.

14 Baa vua ní ánsusu pò pò Nebukanéza sèle Lua kpéu Yelusaleũ, a kàle a táakpɛu Babeliɔ, kí Kilusi bòle kpà Sesebazaa pò à aà dĩle bùsu dɔaana ũwae.†

15 A òè aà pòpiò se ge kàle Lua kpéu Yelusaleũ, tó wà kpépi kèke dò.

16 ɔ Sesebazaa mò Lua kpé ε kpàle. Wàle kpépi bo za gɔɔ beε e gbã, kási i láa yāao.

17 Kí, tó à kènε maa, lá wεεle kíaɔ lákalekĩi Babeli, ní gwa tó kí Kilusi yādĩle wà Lua kpé dɔ Yelusaleũε. Lá ní è, ní lékpāsàkεwεε.

6

Daliusi yādĩle Lua kpé boa yá musu

1 Kí Daliusi yādĩle, ò wà lápi wεεle taala pò wa kàle Babeli lákalekĩi guu.

2 ɔ wà bò lá kooawa Ebatana wéle bíideu Mede bùsuu. Yáε bee ku a guu, ké asu sánɔguo yái:

3 Kí Kilusi kpalablea wè sèia guu à yādĩle Lua kpé pò kú Yelusaleũ musu, à mè wà kpépi dɔ sa'okĩi ũ. Wà a εbo a lesĩ ká gàsĩsuu bàao, a yàasa gàsĩsuu bàao.

4 Wàli gbè gbènε di àao, lí mènɔdo, gbè gbènε àao, lí mènɔdo. Wa a fiabo ní kibε ɔao.

* 5:12 2Kia 25.8-12 † 5:14 Eza 1.2-11

⁵ Vua ní ánuusu pò pò Nebukaneza sèle Lua kpéu Yelusaleũ à sùd Babeliò sǒ, wa ea ge kále a gbeyu Lua kpéu Yelusaleũ.

⁶ Ǿ kí Daliusi lékpāsākè à mè: Tiasa Uflata baale d̄baana Tatenai ní Setaa Bozenaio ní á gbé pò kú Uflata baa weǒ, à ázia ga we.

⁷ A Lua kpé d̄na d̄aǒ to t̄ēēē. A to Yudaǒ d̄baana ní gb̄z̄z̄z̄ Lua kpépi k̄ēk̄ē d̄.

⁸ Mále yá pò ásu ke Yuda gb̄z̄z̄z̄ne Lua kpépi d̄ba musu dileé. A pò pò aa yeiǒ séle ma láasiu we ní Uflata baale falu pò wa b̄ò, í kpámá pii, ké zipi su ze l̄o yáí.

⁹ Pò pò aa yei pii, zugaae, s̄sakao, s̄nēb̄ōl̄ō pò aǎ Lua Musude gbagbaǒ, p̄w̄ena, wisi, v̄ēē, nísi, àǒ kpa Yelusaleũ sa'onaǒwa lá gu lé d̄ lá aa gb̄awáwa p̄kp̄paisai,

¹⁰ ké aa e sa pò kà Lua Musudegu owà, aai wabikew̄amēē ní ma néǒ.

¹¹ Tó gb̄ēē yá pò má d̄ilēē bee l̄ilē, wa ade kpé lí wo, wi aǎ pawà wà péle, wi aǎ be ke tufua ũ.

¹² Tó k̄iae ge buie lé w̄ēēēē yápi lile ge àle w̄ēēēē Lua kpé pò kú Yelusaleũpi wí, Lua pò tò a tó kú gupiwa, aǎ ade fu. Ma Daliusi mámēē ma yápi d̄ilē. Wà z̄ik̄ewà maamaa.

Lua kpé sak̄ēa

¹³ Ké kí Daliusi lékpāsāpi kè màa, Uflata baala d̄baana Tatenai ní Setaa Bozenaio ní ní gb̄éǒ yápi kè ní laaio.

¹⁴ Ǿ Yuda gb̄z̄z̄z̄ kp̄ed̄ba lé gé ae lá ānabi Age* ní ānabi Zakali Ido néo† ānabik̄ek̄èwa. Aa kpépi d̄ò

* 6:14 Age 1.1 † 6:14 Zkl 1.1

wa làa là Isailio Lua òwa, là Pɛɛsio kía Kilusi ní Dalusio ní Aatasasao a yãdilewa.

15 Aa Lua kpé mĩde Adaa gɔɔ àaɔde zí kí Dalusii kpalablea wè soolode guue.

16 ɔ Isailio Lua kpé sakè ní pɔnao, sa'onao ní Levii buio ní gbé kɪni pó sù ní zìzɔkeo pii.

17 Lua kpé sakɛapi yáí aa sa'ò ní zuswanao mèn baso ní sāsakaoo mèn òaa do ní sãnebɔɔ mèn òaa pla, ɔ aa sa'ò ní blesanao mèn kuɛpla Isaili bui dasileu amp̄ii duun awakpabɔ ũ.

18 Aa sa'onao ðiledile gã ní gão, mé aa Levii buio ðiledile gã ní gão ɔ, ké aa zíkɛ Luaɛ Yelusaleũ, lá a ku Moizi lá guuwa.

19 Mo sɛía gɔɔ gɛo m̀endosaide zí, zìzɔ pó sùpio Gɛamusu dikpɛ‡ kè.

20 Sa'onao ní Levii buio gbãbò níziae aa gò gbãlesai m̄pii, ɔ aa Gɛamusu sã kòlokpakpa zìzɔ pó sùɔne ní ní sa'on deeo póo ní nízia póo.

21 Isaili zìzɔ pó sùpio mé sò ní gbé pó aa gbãlea buipáleo yá musu tò, aale Dii Isailio Lua kíi wɛɛleo.

22 ɔ aa Kàaso dikpekè ní pɔnao e gɔɔ soplá. Dii tò an pɔ kèna, asa a tò Asilio kía ǹselile ní yá musue, ɔ à d̀níle a kpɛɔa zí guu, Isailio Luapi.

7

Ezala sua Yelusaleũ sɔukea

1-5 Yá beeo gbɛa Pɛɛsio kí Aatasasa kpalablegɔɔ Ezala b̀ Babeli à sù. Sa'onkia Aalona mé Eleazaa ì, Eleazaa Fineasi ì, Fineasi Abisua ì, Abisua Buki ì, Buki Uzi ì, Uzi Zelaia ì, Zelaia Melaio ì, Melaio

‡ 6:19 Bɔa 12.1-20

Azalia ì, Azalia Amalia ì, Amalia Aitubu ì, Aitubu Zadoki ì, Zadoki Saluũ ì, Saluũ Ilikia ì, Ilikia Azalia ì, Azalia Selaia ì, ò Selaia Ezalapi ì.

⁶ Ezalaá yādanedeε, a Mɔizi ikoyā pó Dii Isailio Lua ðile ðó sáasá. Lá Dii aà Lua ɔkuaàla, kía pó pó à a wabikèwa kpàwà píie.

⁷ Kí Aatasasa kpalablea wè soplade guu Isailieɔ sù Yelusaleũ lo. Sa'onao kú n guu n Levii buio n lèsinao n bíibɔledɔanao n Lua ua zíkɛnao.

⁸ Ezala kà Yelusaleũ kí kpalablea wè soplade mɔ sode guu.

⁹ A fɛle Babeli mɔ séia gɔɔ séia zíε, ò à kà Yelusaleũ mɔ sode gɔɔ séiazí. Aà Lua ɔ kuaàla,

¹⁰ asa Ezala mekpà Dii ikoyā wàaiपाawa n a keao, ké à e aà yāðileneɔ n aà ikoyāɔ dada Isailione.

Lá pó kí Aatasasa kpà Ezalawa

¹¹ Taala pó kí Aatasasa kpà sa'on Ezala pó ì Dii yāðileao n aà yāðileneɔ da Isailioneɔwa yán ke:

¹² Aatasasa, kíaɔ kía mé láε bee kè sa'ona Ezala, Lua Musude ikoyādanaε. Ma fɔkpàma.

¹³ Ma yāðile ma mē Isaili bui ge sa'ona ge Levii bui pó kú ma bùsuo aa ye genno Yelusaleũɔ píi, aa gé.

¹⁴ Mapi n ma ledamade gbēon soplao mé n gbaε, ké n gé Yelusaleũ n Yuda bùsuo píi yá gwagwai n Lua ikoyā pó n kúa musu.

¹⁵ Anusu n vua pó mapi n ma ledamadeɔ wa Isailio Lua pó aà be ku Yelusaleũ gbà séle wà geò

¹⁶ n ánsuo n vua pó n è Babeli bùsuo píi n pó pó gbéɔ n sa'onao kpà n Lua kpé pó ũ Yelusaleũo.

17 Zuswanao ní sāsakaοο ní sãnebɔbɔ lúlu ní ðapio n laaiwa, ní sa pɔ wĩ a pɔ kátɛu à tékũ oò n Lua kpé gbagbakiwa Yelusaleũ ní pówenti gbao ní imia gbao.

18 Mpi ní n gbéο à ke ní ánusuo ní vua pɔ gòo lá à kèé maawa, lá á Lua yeiwa.

19 Pɔ pɔ wà nàne n ɔzĩ lousisia Lua kpéu pɔ ũo kpa n Luapiwa Yelusaleũ.

20 Tó ní ye Lua kpé pɔ kɪniɔi, tó a kekea gò n yá ũe, se ma làasiu we.

21 Mámɛmaa kí Aatasasa, ma yādĩle Uflata baale ɔ'ulɛnaɔne píi. A wabi pɔ sa'ona Ezala, Lua Musude ikoyádana kèwá kpawà gòo píi.

22 Anusu su de tɔnu àaɔao. Pówena su de tɔnu baakwiao. Vɛɛ ní nísio su de litili ðaa baobaoao. Wisi sɔ, lá a yei léu.

23 Lá Lua Musude dĩle píi, à kpa gòo aà kpé pɔ ũ, ké asu kpɛnɛke ní ma kíakɛo ge ma néo.

24 Aɔ dɔ sɔ ké á zɛvĩ à falu ge elɛ'ɔa ge wè'ɔa sí Lua ua zíkɛnao ge sa'ona ge Levii buio ge lèsinao ge bíibɔledɔanao ge zíkɛnpáleɔwao.

25 Mpi sɔ Ezala, yákpalekenao ní yāgɔgɔnao dilɛdile ðno pɔ n Lua kpàma léu, ké aa yākeke a zéwa gbé pɔ kú Uflata baaleɔne píi. Aa de gbé pɔ aa n Lua ikoyā dɔo ũ. Gbé pɔ dɔo sɔ, dadané.

26 Gbé pɔ n Lua ikoyā ní bùsu ikoyāo kūa ɔplaplao, wa yādaaàla, aà dea ge aà ya bɔa bùsuu ge aà àizee siawà ge aà daakpɛun nò.

27 Ǿ Ezala mè: Wà Dii wá deziɔ Lua sáaukpa! A làasoo maa dà kíe a sɔu, ð kípí gbāakpà aà kpé pɔ kú Yelusaleũwa màa.

28 A tò ma yá kà kía ń a ledamadeɔgu ń aà ìwa gbãaɔ píi. Lá Dii ma Lua ɔ kuamala, ma sɔ̀dìlɛ, ɔ ma Isaili dɔaanaɔ kãaa aa gɛmanɔ.

8

Uabele pɔ̀ sù ń Ezalaɔ

¹ Uabele pɔ̀ wa bɔ̀ Babeli bùsuu Aatasasa kpalab-legɔ̀ wa su sãnuɔ̀ tɔ̀ɔn ke ń ń buibɔ̀kɔ̀io:

² Finɛasi buiɔ̀ uabele Geesoũ,
Itamaa buiɔ̀ uabele Danieli,
Davidi buiɔ̀ uabele Atusu.

³ Palsi bui Zakali ń a gbéɔ̀ gběɔ̀n basoplakwi.

⁴ Paata Mɔ̀abu bui Zelaia né Elioenai ń a gbéɔ̀ gběɔ̀n òaa do.

⁵ Zatu bui Yaazie né Sekania ń a gbéɔ̀ gběɔ̀n òaa do ń basɔ̀oo.

⁶ Adini bui Yonatãa né Ebede ń a gbéɔ̀ gběɔ̀n blakwi.

⁷ Elaũ bui Atalia né Yesaia ń a gbéɔ̀ gběɔ̀n bàaɔ̀kwi.

⁸ Sefatia bui Mikaila né Zebadia ń a gbéɔ̀ gběɔ̀n basiiɔ̀.

⁹ Yoabu bui Yeieli né Obadia ń a gbéɔ̀ gběɔ̀n òaa do ń gěo ń àaɔ̀o.

¹⁰ Bani bui Yosifia né Selomi ń a gbéɔ̀ gběɔ̀n baswaaɔ̀.

¹¹ Bebai bui Bebai né Zakali ń a gbéɔ̀ gběɔ̀n baasɔ̀o ń àaɔ̀o.

¹² Azegada bui Akatã né Yohanani ń a gbéɔ̀ gběɔ̀n basɔ̀okwi.

¹³ Adonikaũ bui pɔ̀ sù gbɛzãɔ̀, Elifele ń Yeielio ń Semaiao ń ń gbéɔ̀ gběɔ̀n bàaaɔ̀.

¹⁴ Bigivai buiɔ̀ Zakuu ń Utaio ń ń gbéɔ̀ gběɔ̀n bàaaɔ̀kwi.

Ezalaɔ daa Yelusaleu zɛu

15 Ma n̄ k̄āaa swa p̄ ì d̄o Aavai, ɔ wa b̄òokpà we ḡoo àaɔ. Ké ma gb̄éɔ f̄anke n̄ sa'onao, má è Levii buio kú n̄ guuo.

16 Ǿ ma d̄oanae beeɔ sìsi: Eliεεε, Alieli, Semaia, Elenatã, Yalibu, Elenatã, Natã, Zakali n̄ Mesulaũo. Ma yãdanedeɔ Yoialibu n̄ Elenatão sìsi l̄o.

17 Ma n̄ z̄í Ido p̄ de d̄oana u gu p̄ w̄i me Kasifia k̄ii. Ma yá p̄ aa oè n̄ aà gb̄é p̄ kú weɔ dànέ, ké aa suw̄εe n̄ wá Lua ua z̄ikenaɔ.

18 Lá wá Lua ɔ kuawála maannoɔ, aa s̄uw̄εe n̄ gb̄é laaideo, Levii t̄õna Mali bui Selebiana n̄ aà néo n̄ aà d̄aunaɔ gb̄eɔn bao plasai.

19 Aa s̄u n̄ Melali buio Asabia n̄ Yesaiao l̄o n̄ n̄ d̄aunaɔ n̄ n̄ néo gb̄eɔn bao.

20 Aa s̄u n̄ Lua ua z̄ikena p̄ Davidi n̄ a ìwaɔ n̄ díle aa d̄o Levii buioleɔ gb̄eɔn òaa do n̄ baoo. Wà n̄ t̄ó d̄alau m̄pii.

21 Ma l̄eye kp̄awakè Aava swa sae we, ké wà wázia busa wá Luae, wí tá na wabikewà wápio n̄ wá néo n̄ wá àizεeɔ yá musu.

22 Ma sosao n̄ s̄odeɔ gb̄eaa kíawa aa k̄aedawázi z̄éu ibεeɔ yáí oa widè, asa wá ò kíae wa m̄è: Wá Lua ì ɔku gb̄é p̄ aai a k̄ii weεeɔla maannoε, ɔ ì a p̄okũma z̄o b̄oɔ gb̄é p̄ p̄akp̄aaziowa.

23 Wa l̄eyè wa wabikè wá Luawa yápio musu, ɔ a s̄iwanɔ.

24 Ma sa'on d̄oanaɔ s̄è gb̄eɔn kuεpla n̄ Selebiano n̄ Asabiao n̄ n̄ gb̄éɔ gb̄eɔn kwi.

25 Ǿ ma ánuusu n̄ vuao ȳoné kiloowa n̄ p̄ p̄ kí n̄ a l̄edamadeɔ n̄ aà ìwaɔ n̄ Isaili p̄ kú weɔ a labakè wá Lua kpé gba ũo.

26 Wa ánuusu ỳnéné kiloowa tɔnu bao ní plao ní ánuusu ṕó tɔnu áaṣ ní vuao tɔnu áaṣ.

27 Vua tao ku ɓ mèn bao, aa kà kiloo swaaṣ, mé mɔgotē ta maa tekeao ku mèn pla, a beee kà vuawa.

28 Má òné: Apio ní ṕopioá Dii ṕoe. Anusu ní vuaoá ṕo ṕo wà Dii á deziɔ Lua gbàe.

29 A itēke à ṕopio d́sa e a ge ỳ kiloowa Dii kpé kpéneɔ guu Yelusaleũ sa'onaɔ ní Levii buio ní ua-beleo wáa.

30 Ǿ sa'onaɔ ní Levii buio ánuusu ní vuao ní ṕo ṕo wa ỳ kiloowapio sí aa geð wá Lua kpéu Yelusaleũ.

31 Wa fele Aavai, wa da Yelusaleũ zéu mɔ séia gɔɔ kuεpladezi. Wá Lua okùwála, à kàedàwázi zéu ibeeɔ ní kpáiweliweɔ yáí.

32 Ké wa ka Yelusaleũ, wa kámabò we gɔɔ áaṣ.

33 A gɔɔ síiṣde zí wa ánuusu ní vuao ní ṕopio ỳ kiloowa wá Lua kpéu, ɔ wá kpà sa'ona Úlia né Melemɔwa. Fineasi né Eleazaa kuaànɔ ní Yesua né Yozabao ní Binui né Nɔadiao. Levii buioɔne mípii.

34 Wà apii nào wa ỳ kiloowa, ɔ wà a gbia lé d̀alau zibeezi.

35 Ǿ zizo ṕo sùɔ sa ṕo wí a ṕo káteu à tékū ò'o Isailio Luawa, zuswana kuεpla Isaili bui pii ṕo ũ, sásakao basɔo síiṣsai, sãneɔɔ basiiṣ áaṣsai, blesanaɔ kuεpla duun awakpabo ũ. Wà sa ṕo wí a ṕo káteu à tékū òò Diiwa piiε.

36 Wà yá ṕo kía díle taala kpà aà iwao ní Uflata baala d̀aanaɔwa, ɔ aa gbākà Isailioɔne ní Lua kpé d̀ao.

9

Isailio buipaleɔ sea no ũ

¹ Yápi kea gbea kíaò m̀ ma k̄i aa m̀: Wá gbéé ní sa'onao ní Levii buiò aai k̄k̄õwa ní bui pò liaawázio ní ní yãb̄ēkeao, Kanaao, Itio, Pelizio, Yebusio, Am̄onio, M̄abuo, Egipio ní Am̄oleo.

² Aa n̄sè ní guu, aa sè ní néone lo. Aa wá bui pò wá de Lua gbé úò kè k̄gb̄ē ũ ní bui pò liaawázio. Kíao ní d̄baanao mé b̀ Lua kpe màa.

³ Ké ma yápi mà, ma a ula ní ma ulataoo gà má k̄è, ma a mik̄eo ní ma lek̄ana k̄áo wò. Ǿ ma z̄le, yápi d̄ia.

⁴ Ǿ gbé pò yá pò Isailio Lua ò v̄ia v̄io k̄aaamazi pii z̄ìzo pò s̄uo b̄oa Lua kpepi yáí. Lá yápi d̄ia, ma ḡo z̄leae we e sa oosi oḡo.

⁵ Ké sa oosi oḡo k̄a, ma fele maz̄ia busaa guu, ma ula ní ma ulataoo k̄ea, Ǿ ma ge kule ma kosowa, ma a Ǿ p̄oopo Dii ma Luae

⁶ ma m̀:

Ma Lua, wí ma k̄u, ma gee ḡo kpa ma w̄ei. Ma Lua, má f̄w̄ése mà n gwao, asa wá duuna k̄uw̄ala, wá tàaeo z̄ma.

⁷ Za wá dezio ḡo e ní a gb̄ao wá tàae z̄o. Wá duuna yáí Ǿ n wá ná buip̄aleo kíao ne ní z̄i, wápio ní wá kíaò ní wá sa'onao, Ǿ aa wá gb̄eo d̄ede ní f̄endo, aa wá gb̄eo k̄u z̄ìzo ũ, aa wá p̄oò n̄aa, Ǿ wí wá kú lá à wá kú gb̄ewa.

⁸ Dii wá Lua, tia kéwa n wá weḡw̄a gia ȳo, n gbé k̄noao tòw̄e, Ǿ ní wá gbá tep̄k̄i n kp̄eu. Wá Lua, ní tò wá oa w̄e, n wá lé ní láo ȳo wá z̄bleu.

⁹ Wá Lua, baa ké z̄o n wá ũ, ni wá tó wá z̄bleuo. N tò P̄esio kíaò gb̄ek̄ek̄ew̄e. N wá lé ní láo, Ǿ wa n kp̄e ḡboao k̄eke wá d̄ò. Wá Lua, n k̄aed̄aw̄azi Yelusaleũ ní Yuda b̄usuo píi.

10 Tia kéwa wá Lua, yá kpele wá f̄o one lbi? Asa wa pākpa n yá

11 p̄o n̄ d̄ile n z̄òblena ānabionε aa òozie. Aa mè bùsu p̄o wá deziò lé gé s̄ii de bùsu p̄o gbālè bui p̄o kú weo yābēεkea yái ũε. An b̄o b̄o bùsupi p̄a za a léle n̄ a lélaò an yābēεkea yáiε.

12 Aa mè wásu wà wá nen̄eò kpásāmáo, mé wásu n̄ n̄o sé wá néonεo. Wásu weò n̄ aafia n̄ n̄ gwea maaòzi bauo, ké wà e gbākū, wí bùsu p̄o maaò ble, wà tó wá néonε e ḡo p̄ii.*

13 Yápiò wá lé píi wá vāikea n̄ wá tàae z̄òo yáiε. N beeo wá Lua, ni ìadawá e wá duuna léwao, n gbé k̄onao tòwēε kéwa.

14 Ǿ wa εa n yādileao gbòo, wa bui yābēεkenao sè n̄o ũ. Lá wá kè màa, n p̄o a pawázi, ní wá dede míomioε, gbé k̄onae a b̄o b̄o.

15 Dii Isailio Lua, n yá kue, ò wa ḡo gbāgbē k̄onao ũ. Tàaedean wá ũ. A yái wá gbēe a f̄o weεe à n gwao.

10

Isailio n̄ duunao oa Luaε

1 Ḡo p̄o Ezala lé lousisi màa, a kúlea Lua kpé kpeleε, àle n̄ duunao o Luaε, àle óob, Isailio k̄āaaaàzi dasidasi, ḡoε n̄ n̄eò n̄ néfēnenao, ò aale óob maa-maa.

2 Ǿ Elaū bui Yeieli né Sekania f̄ele yā'ò Ezalaε à mè: Wa b̄o wá Lua kpe, wa bui p̄o liaawázio sè n̄o ũ. N beeo b̄ok̄i kú wá Isailionε e tia.

* 9:12 B̄o a 34.12-16, Iko 7.1-4

3 Wà lɛdoũkɛ n̄ wá Luao sa, wí nɔɛpiɔ ya n̄ n̄ néɔ, lá n a lɛdàwáwa, mpi n̄ gbé pɔ aa wá Lua yádilɛaɔ v̄ia v̄io. Wà kɛ lá aà ìkoyā'òwa.

4 Fɛlɛ! A gò n yá ũɛ. Wa zennɔɛ. Sɔdilɛ n̄ zíkɛ yápiwa.

5 Ǿ Ezala fɛlɛ, a tò kíaɔ n̄ sa'onao n̄ Levii buio n̄ Isailio pii lɛgbè yápi musu.

6 Ǿ à gò Lua kpé kɛɛlɛ, à gè ì Eliasibu né Yohanani kpéneɛ. I pobleo, i imio, ké àlɛ zìzɔ pɔ sùɔ náaisaikɛ ɔɔlɔ yáí.

7 Ǿ wà kpàwakè Yelusaleũ n̄ Yuda bùsuo pii wà mè, zìzɔ pɔ sùɔ aa káaa Yelusaleũ pii.

8 E gɔɔ àaɔ àò gé pai, tó gbé i mɔo, aà àizɛɛɔ gò Dii pɔ ũɛ, wi ade ya bɔ zìzɔ pɔ sùɔ guu. Kíaa n̄ gbèzɔɔ mé zèò màa.

9 Ǿ Yuda gɔɛɔ n̄ Běyāmɛɛ bui gɔɛɔ káaa Yelusaleũ pii e gɔɔ àaɔpi gè pàò. Mɔ kèokwi gɔɔ baode zí aa zòlɛa Lua kpé gāaɛ nípii, aalɛ lualua yápi n̄ lou pɔ lé mao yáí.

10 Ǿ sa'ona Ezala fɛlɛ yá'òné à mè: A bɔ Lua kɛɛ, a wá Isailio tàaɛ kãfi, a buipáleɔ sè nɔ ũ.

11 A á duunaɔ o Dii á deziɔ Luaɛ, í aà pɔɛã kɛ sa. A kèkòwa n̄ bui pɔ liaaázio n̄ nɔ pɔ á sè n̄ guuɔ.

12 Bíla wèwà n̄ lɔɔ gbāao aa mè: Māaɛ, wá kɛ lá n̄ òwɛɛwa.

13 Ama wá dasi mé lou ku, wá fɔ wàɔ zɛa bàasi lao. Wá fɔ yápi kɛkɛ gɔɔ do ge gɔɔ plao, asa wá tàaɛ kè zɔɔ yápi musu.

14 Tó wá kíaa gɔ la bíla gɛɛ ũ. Gbé pɔ buipáleɔ sè nɔ ũ i bɔ wéle n̄ wéleɔ, aai mɔ gɔɔ pɔ wa dílenéwa n̄

ń wéle gbēzᵛᵛ ń yákpalekenaᵛ, wá Lua pᵛ i weewá yápi musu.

15 Asaeli né Yonatāa ń Tikeva né Yaziao mé bᵛ yápi kpe mpla, ᵛ Levii buiᵛ Mesulaũ ń Sabetaio zèñᵛ.

16 Ɔ zizᵛ pᵛ sùᵛ kè lá wa òwa. Sa'ona Ezala uabeleᵛ sè daedaε mēndodo. A ń tᵛ dālau píi. Mᵛ kwide gᵛᵛ sēia zī ᵛ gbépiᵛ zᵛle yápi gwàgwa.

17 Mᵛ sēia gᵛᵛ sēia zī aa buipāle senapiᵛ yá gwàgwa aa làa píi.

Gbé pᵛ aa buipāle nᵛ sèᵛ

18 Sa'ona pᵛ aa buipāle nᵛ sèᵛn ke: Yozada né Yesua buiᵛ ń a dāunaε beeᵛ Maasea, Eliεzεε, Yalibu, Gedalia.

19 Aa ᵛdà kᵛ ᵛu aa mè wa ń nᵛpiᵛ yá, ᵛ an baade sāsa kpà ń tàae fiabobᵛ ũ.

20 Imεε buiᵛ Anani ń Zebadio.

21 Aliũ buiᵛ Maasea, Elia, Semaia, Yeieli, Uzia.

22 Pasuu buiᵛ Elioenai, Maasea, Isimaεla, Nεtaneli, Yozaba, Elasa.

23 Levii buiᵛ Yozaba, Simεi, Kelaia pᵛ wī me lᵛ Kelita, Petaia, Yuda, Eliεzεε.

24 Lèsina Eliasibu ń bíibᵛledᵛanaᵛ Saluũ ń Teleũ ń Ulio.

25 Isaili kīni pᵛ aa buipāle nᵛ sèᵛn ke: Palᵛsi buiᵛ Lamia, Izia, Malakia, Miamε, Elezaa, Malakia, Benaia.

26 Elaũ buiᵛ Matania, Zakali, Yeieli, Abadi, Yelemᵛ, Elia.

27 Zatu buiᵛ Elioenai, Eliasibu, Matania, Yelemᵛ, Zabada, Aziza.

28 Bebai buiᵛ Yohanani, Anania, Zabai, Atalai.

29 Bani buiᵛ Mesulaũ, Maluku, Adaia, Yasubu, Seali, Yelemᵛ.

30 Paata Mᵛabu buiᵛ Adena, Kelala, Benaia, Maasea, Matania, Bezaleli, Binui, Manase.

31 Aliũ buiᵛ Eliεεε, Isia, Semaia, Simεᵛ,

32 Bēyāmεε, Maluku, Semalia.

33 Asuũ buiᵛ Matenai, Matata, Zabada, Elifele, Yelemai, Manase, Simεi.

34 Bani buiᵛ Maadai, Amlaũ, Ueli,

35 Benaia, Bedea, Kelui,

36 Vania, Mεlemᵛ, Eliasibu,

37 Matania, Matenai, Yaasu.

38 Binui buiᵛ Simεi,

39 Selemia, Natā, Adaia,

40 Manadebai, Sasai, Salai,

41 Azaleli, Selemia, Semalia,

42 Saluũ, Amalia, Yosefu.

43 Nebo buiᵛ Yeieli, Matitia, Zabada, Zebina, Yadai, Yoeli, Benaia.

44 Gbēpiᵛ buipāle nᵛ sεε m̄pii, mé an nᵛpi keeᵛ néᵛ ï'ir̄nᵛ.

Bibeli Luayátaalá
The Holy Bible in the Boko language spoken in Benin
and Nigeria

copyright © 2010 SIM International

Language: Boko

Translation by: SIM International

Boko Bibeli Luayátaala

This translation, published by the SIM au Benin, was published in 2010.

If you are interested in obtaining a printed copy, please contact the SIM at ECWA/SIM H.Q., P.M.B. 2009, Jos, Plateau State, NIGERIA.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-25

ffb0f4b3-18b7-564f-bd5d-307e9e532fb9